

IV CERTAME DE TEATRU ESCOLAR EN LLINGUA ASTURIANA/GALLEGO-ASTURIANU

Por cuenta de la celebración de la XXXVIII Selmana de les Lletres Asturianas, la Consejería d'Educación y Cultura fai esta convocatoria a tolos centros educativos de la rede asturiana qu'imparten Llingua Asturiana/Gallego-Asturianu.

L'oxetivu ye fomentar l'actividá teatral en llingua asturiana y gallego-asturianu como modelu d'espresión y normalizar el so usu nel ámbitu educativu.

Ente toles representaciones recibíes va facese una selección de les que van participar nuna Gala Final nel Teatru la Llaboral de Xixón, **nel mes de mayu del 2017**, entamada pola Consejería d'Educación y Cultura del Principáu d'Asturies dientro de la **XXXVIII Selmana de les Lletres Asturianas**.

¿Pa quién?

Esti concursu va dirixíu al alumnáu escolarizao nes etapes d'Educación Primaria y ESO/Bachilleratu de los centros educativos d'Asturies.

Van establecese estes categoríes: **Educación Primaria** y **ESO/Bachilleratu**.

Requisitos

Pa poder participar, los centros tienen que cumplir estos requisitos:

- Cada centru tien que formar un grupu teatral acordies col fin d'esta convocatoria.
- Cada centru ha tener un profesor/a de referencia d'esti grupu teatral que seya miembru del Clastru.
- Cada representación ha grabase nun formatu de videu domésticu y ha unviase a la Coordinación d'Enseñances de Llingua Asturiana de la Consejería d'Educación y Cultura
- La representación ha tener una duración máxima de 30 minutos.
- La llingua vehicular de la representación ha ser l'asturianu o'l gallego-asturianu.
- Nel casu de ser escoyíos pa la Gala Final¹:
 - Van poder usase efectos audiovisuales en soportes apurríos pol grupu.
 - El montaxe de la escenografía/material audiovisual nun pue superar los 10 minutos.

MODALIDÁ MONÓLOGU. Nesta IV edición del Certame de Teatru Escolar en Llingua Asturiana/Gallego-Asturianu créase la categoría de **Monólogos**. Los monólogos han tener una duración máxima de cinco minutos. Cada centru va poder presentar tantos candidatos/es como considere. Pa caún de los monólogos ha presentase un anexu, marcando l'apartáu "monólogu".

Procedimientu y plazos

Pa participar, el centru tien que rellenar y unviar a la Consejería d'Educación y Cultura del Principáu d'Asturies l'Anexu I. El plazu de presentación d'esta solicitú acaba'l llunes 31 d'ochobre del 2016. El centru participante va recibir notificación de la llegada de la so solicitú.

El CD col videu grabáu pue llevase a la Coordinación d'Enseñances de Llingua Asturiana de la Consejería d'Educación y Cultura del Principáu d'Asturies **hasta'l xueves 30 de marzu del 2017**.

¹ La Consejería d'Educación y Cultura va organizar y financiar los desplazamientos de los centros escoyíos pa representar les obres na IV Gala del Certame de Teatru Escolar.

Pa más información

Coordinación d'Enseñances de Llingua Asturiana
Consejería d'Educación y Cultura del Principáu d'Asturies
Plaza d'España, 5. 33007 Uviéu
Tlf. 985 105500. Est. 12322
joseluis.remisgarcia@asturias.org